

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XLI. Gibertvs Borromævs Mediolanensis.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

No. XLI.

GIBERTVS BORROMÆVS MEDIOLANENSIS.



Ibertus tit. S. Alexii Cardinalis Borromæus Mediolanensis, Episcopus Novariensis natus est 12. Decembris Anno 1671. ex Illustrissimâ Borromæorum familiâ, quæ nominis sui gloria Lombardiam illustrat Universam. Si quidem Trinarius numerus perfectus existat, ex Nobilissimis Borromæis Triumviros, eosque Sacrae Romanæ Ecclesiæ Purpuratos omnes affero, ex quibus de reliquis dignoscas licet. Primus occurrit Divus Carolus Borromæus, illud sanctitatis Sydus, & totius Italæ decus & Ornamentum longè illustrissimum. Necdum Sol iste plenè orbi ortus erat, cum jam in aurorâ plenam meridiem Orbi exhiberet; nam supra parientis matris cubiculum superna lux prodigiosè corruscans, quis puer iste futurus esset, designabat. Adolescens factus, viam viri gradiebat; & Clericali militia adscriptus, miles evadet, qui Cœlo triumphos, orco clades dedit. Reditus Ecclesiasticos in manus pauperum statim detulit; neque ad vitam quidem congruè sustendandam, necessaria sibi reservans. Cum eximiae ejus virtutes statim coronandæ viderentur, rarissimo exemplo vigesimum tertium ætatis annum vix satis egressus, à Pio IV. Sacro Purpuratorum Collegio ocyus annumeratus est. Mediolanensis Archiepiscopatus, suo viduata Pastore, non diu anxiè circumspexit, quem pastorem haberet; assumendus erat, cui similem Mediolanum tunc equidem non habuit. Is omni studio in id nitebatur, ut Concilium Tridentinum, sub Paulo III. inchoatum, & saepius interruptum, realsumeretur; & reassumptum, denique finiretur, Votorum etiam compos factus est; nam Generale hoc & Oecumenicum Concilium Pontificibus Paulo III. Julio II. & Pio IV. celebratum, magno Orbis Orthodoxi gaudio suum exitum sortiebatur An. 1563. Postea ad Helvetios & Rhoetos finitimos Carolus Borromæus paternam curam extendebat; & larga messis huic Sanctissimo Antistiti obtigerat, cum vel obstinatissimi tantæ virtuti manus darent. Liberalitatem tota Lombardia in eo Principe obstupecebat; nam cum ex divendito principatu Uritano quadraginta aureorum millia obtinuisse, unâ die in pauperes totam sumnam erogârat. Indigenam Principis miseratus nescio quis, nihil habenti viginti millia aureorum legârat; sed ille spernere divitias dudum doctus, nec obolum sibi retinuit, pauperes pro se hæredes substituens. Cum præter suppelleatilem, quod distribueret, non haberet, etiamē privatim in lucro posuit. Laboribus fesso, nuda humus lectus erat; & ne molliter unquam jaceret, nec lectum retinuit. Quis credidisset, in mitissimo animo vehementes Spiritus durare potuisse? ille tamen zelo Domini totus quantus exarsit, quoties videret, Ecclesiastica jura à quopiam diminutum iri. Cum atrocissima pestis Mediolanum depasceret, crucem bajulans, & fune ad collum alligato, publicè incedebat, quantum sibi peccatorum Maximus, tantum aliis visus minimus. Lucidissima hæc Lombardiæ stella ad suum occasum vergebatur Anno 1584. imò ad aliud & longè nobilius Hemisphærium translatâ, splendore lucidiū cœpit. Orbi certè non interiit, quem maximis beneficiis hodie dum complectitur; nam Sanctorum fastis à Paulo V. pene intenso Mediolanensium gaudio illatus, multis in dies inclarescit miraculis. Magni nominis authore mihi compertum constat, quod

Gg

cum

cum Augustissimæ Imperatrici Elisabethæ Guelferbitanæ Anno 1713. mense Aprili particula Corporis Divi Caroli spectanda & deoseulanda præberetur, in eâ clarissima signa pulsionis bellè formati comparuerint; quod optimi omnis loco acceptum, multiplicem prolem Augustissimæ Domui Austriacæ, quam Deus æternam velit, portendere videbatur. Nascebatur triennio abhinc Leopoldus Archidux Austriæ, felicitatis nostræ sydus futurum, si non data modò, sed & servata ea votorum nostrorum Cynosura fuisset. Secutæ fuere Anno 1717. 13. Maii Maria Theresia: Anno 1718. 14. Septembris Maria Anna: Anno 1724. 5. Aprilis Maria Amalia, singulæ lectissimæ Regiæ Austriæ filiæ, & Hispaniæ Infantes, quæ tantum Orthodoxo Orbi præstare possunt, quantum Eudoxia Imperio, Ildegunda Hispaniæ, Clotildis Galliæ, Theodelinda Italiæ, Edelbürga Angliæ, Gisela Hungariæ, Margarita Scotiæ, Dampurga Poloniæ, Alga Russiæ, Mathildis Tuscicæ, Elisabetha Turingiæ præstiterunt. Possunt & hæ Semitamides evadere, quæ victrices per Imperium Aquilas explicent, esse Amazones, quæ Gloriæ campum victorii emetiantur, fieri Judithæ, quæ dabunt salutem in Israël: Secundus ex celebratissimâ Borromæorum familiâ celebrandus venit Fridericus Borromæus, grande item Lombardis nomen, & publicæ procurator felicitatis. Non potuit non maximus evadere, cum Carolum Borromæum morum institutorem nancisceretur, qui hunc suum consobrinum, præstantissimi ingenii adolescentulum, ad suam Aulam mature traduxerat. Cum summa morum innocentia stupendo in studiis profectui accederet, suis ipse manibus Sacris Ordinibus, Ecclesiæ hoc lumen futurum, Carolus iniciaverat. Postea Fridericus in celeberrimo Collegio, Ticini à Carolo fundato Rheticam, summis ingeniis ad eum audiendum undequaque affluentibus publicè, & novus è rostris Cicero docuit. Latinam linquam tam eleganter eloquebatur, ut Lombardiæ, omni barbarismo procul exulare jussò, Romano doceret ore loqui; Hinc sumum Virum Sixtus V. Cardinalem dixit, & Clemens VIII. Ecclesiæ Mediolanensi Anno 1595. præposuit. Libros edidit prorsus eximios. De Episcopo concionante: Medicamenta literaria: de Christianæ mentis jucunditate: de Sacris nostrorum temporum oratoribus &c. &c. Eo etiam immortali beneficio literatum orbem fibi obstrinxit, quod An. 1609. Collegium, ubi insignem ipse bibliothecam instruxerat, erexerit, quod Bibliothecæ Ambrosianæ Collegium nuncupari voluit. Est illa veluti illustrium virorum receptaculum, & literaturæ melioris officina. Celebratissimæ huic per orbem Bibliothecæ virum literatissimum Antonium Olgati præposuerat, qui manuscripta ad novem millia, Friderici impensis, in illo omnibus aperto humanae sapientiae thesauro reponebat. Ex Vincentii Pinentelli Bibliothecâ, tanta vis librorum accedebat, quanta duodecim aut pluribus curribus advehî debuerat. Placidissimè exspiraverat Fridericus A. 1632. cum sanctitatis pene apicem attigisse videretur; certe tantâ vir humilitate erat, ut summi Pontificatus apicem, cui proximè accedebat, honorum neglector, reputaret. Tertius ex Purpurato Borromæorum Triumviratu dicendus restat Eminentissimus Sacr. Rom. Eccl. Cardinalis Gibertus Botromæus, in quem præclara majorum suorum decora ita cadunt, ut aucturus videretur, si summo Vertici quidam amplius superaddi posset. Ea est tua, Illustrissima Borromæorum Familia prærogativa, ut Borromæum nasci, & Sanctitatis Borromeæ vestigiis insistere, penè pro eodem reputetur. Ita Gibertus Carolum imitandum sibi proposuit, ut inde factum fuerit, ut & Ipse Integerrimi Antistitis laudem plane ab omnibus referret. Ad rem penitus comprobandum, non meis verbis, sed Romano utar oraculo; nam cum Clemens XI, de Giberto Borromæo, Sacro Purpuratorum Collegio annumerando, ad Sacrae Romanæ Ecclesiæ Cardinales referret, ita ipsum proposuit, ut simul affirmaret, eum tam morum innocentia quam aliis Sæpius Praesule dignis virtutibus, insignes sue gentis Cardinales amulari. Certè Clementi XI, Borromæus

mæus tantum in amorphis erat, ut quamdiu in vivis supereret, nihil officiorum in eo magis, magisque exornando prætermitteret; enimverò extraordinarii favores suere visi, quos Gibertus à Clemente experiebatur. Primò omnium Antiochenæ Ecclesiæ, ubi primam Divus Petrus Cathedram fundavit, Patriarcha nuncupabatur. Sic Romanæ Cathedræ, cui Soli Primatus debetur, propè admoveri visus, cum proximam ab eâ sedem obtineret. Antiochia Metropolis Syriæ est: Oronti adjacet, ubi is Mari Mediterraneo committitur; constabat olim ex quatuor contiguis Urbibus, quarum quælibet suo muro cingebatur. Sarraceni Syriæ occupatā, Antiochiam expugnabant Anno 637. Heraclio Imperatore. Nicephorus Phocas Orientis Imperator recuperabat An. 966. iterum in Sarracenorum manus venit Anno 970. Ex eorum manibus Ann. 1097. urbem extorserat Godefridus Bullionius. Ultimum Ann. 1268. capta erat à Sultano & penitus eversa. Daphnes lucus omnium amoenissimus, olim in ejus erat suburbio, cuius nullam arborem excindere vel distrahere licet; Hodie etiam ex Antiochiæ ruderibus, teste Monconyo, silva enata est, amygdalis & ficis arboribus lætissimè consita. Hanc ut rigare possit & plantare, aut potius excisis arboribus, in novam Antiochiam convertere, ibique Patriarchalem sedem figere, Giberti Borromæi Antiocheni Archiepiscopi Sanctissimorum Votorum summa unicè est. Anno 1713. Novaria Episcopus denominabatur. Novaria Petri Lombardi Patria fuit, quem Magistrum scientiarum nuncuparunt. Quantum ille literis, tantum eximio Religionis studio Gibertus Borromæus Novariensis splendidum Pietatis una & Doctrinæ Sydus prælucet. Paulò postea à Clemente Pontifici Cubiculi præfector felicibatur, quo haud tacite Sanctissimus Pater innæbat, quanto in eum amoris affectu rapetur, cum suo perpetuò adhærentem lateri vellet. Hinc ei proximus ad Sacram Purpuram factus gradus, quæ tam insignium Viro meritorum Anno 1717. 15. Martii obtigit; quo quidem tempore res evenit, quæ planè evicit, Gibertum Borromæum in animo Clementis paucos inter primatum tenere; nam Sanctissimus Pater, manifestam sui in eum animi tesseram exhibitus, per Abbatem Cassinam, Magnum suum Cœremoniarium eidem Cardinalitium habitu, in quo ipse fuisset, cum Pontifex crearetur, transmiserat, ceu planè dignum judicaret, ut cuius in habitum transgressus esset, in ejus etiam aliquando solio conspiceretur. Faustissima dies, quæ Cardinalis dicebatur, summo Mediolanensium gaudio celebrabatur. Nec festivi ignes, quos Princeps Familiâ adorabat, defuere, qui claritudinem Neopurpurati denotare visi. Ipsa Domus Albana in partem felicitatis veniebat. Quippe Theresia Borromæa Carolo Albano, Clementis XI. ex fratre Horatio Nepoti, eidēque Sacri Romani Imperii Principi declarato, felicissimis hymenæis Anno 1714. juncta fuerat. Prædicta Maria Theresia filia est Caroli Borromæi perspectissimæ prudentiae Principis, quem Caroli VI. Borromæorum Illustrissimæ familiæ, pro ejus in Serenissimam Domum Austriacam fidissimo & perpetuo studio addictissimus, non modò Sanctiori Consilio adlectum voluit, sed & virum regendis populis natum, Regno Neapolitano immisit, ut Proregis potestate florentissimum regnum regendum susciperet: Si itaque Eximiis, quos commemoravi, ex Illustrissimâ Borromæorum Familiâ, Triumviris Hunc quartum Superaddamus, est, cur tærque quatérque beatos Borromæos pronuntiemus.

No.